

# Dienelkander



## Nuusbrief van die Gereformeerde Kerk Potchefstroom-Oos

25 Augustus 2013

**OGGENDDIENS:** ds Karel

**Skriflesing:** Efesiërs 2:1-10

**Teks:** Efesiërs 2:4-5

**Tema:** God se liefde dring ons tot dieper liefde!

**Vooraf sang**

Lied 284: 1, 2, 3

**Ontmoetingsdiens**

Intreelied: Lied 151: 1, 2; Votum;  
Seëngroet; Loflied Ps. 145-2:1, 2, 4, 7, 9

**Woorddiens**

Skriflesing; Woordverkondiging

**Verootmoedigingsdiens**

Wet; Lied van verootmoediging:  
Ps. 38-2: 1, 6, 7, 8; Gebed; Genadeverkondiging: Romeine 5: 6-11;  
Dankgebed; Antwoord op genade:  
Lied 203: 1, 2, 3;  
Geloofsbelijdenis Heidelbergse Kate-gismus Sondag 1 v/a 1;

**Antwoorddiens**

Liefdegawes; Vasgryp aan God se liefde:  
Deuteronomium 7: 6-9; Gebed vir BNB;  
Sing Ps. 103-1: 1, 2, 3, 11; Seën; Amen  
Sb. 13-3

**AANDDIENS:** ds Karel

**Skriflesing:** Openbaring 3:1-6

**Teks:** Openbaring 3:1

**Tema:** Het die kerk dalk `n identiteitskrisis?

**Vooraf sang**

Ps. 146-1: 1, 3, 8 en Sb. 5-4: 1, 2, 5, 6

**Ontmoetingsdiens**

Intreelied: Sb. 15-1: 1, 2, 3, 4; Votum,  
Seën; Lofsang Sb. 15-6: 1, 2, 3 (2 de Melodie van Ps 50-1: Melita)

**Woorddiens**

Gebed, Sing: Sb. 15-6: 4, 5 (2 de Melodie van Ps 50-1: Melita); Skriflesing, Woordbediening

**Antwoorddiens**

Gebed; Liefdegawes; Gebed vir BnB;  
Sing Sb. 20-2: 1, 5, 6, 7; Seën; Amenlied  
Sb. 13-2

### MEELEWING

- Bettie Ras sterk tuis aan na haar hospitalisasie van meer as twee weke (wyk 13 - 018 290 6367)
- June Kruger het las van chroniese naarheid en pyn na haar operasie verlede week en dit gaan glad nie goed met haar nie (wyk 22 - 082 853 1463)
- Oubaas Boltman gaan in die komende week vir verdere ondersoeke weens `n terugslag na `n oogoperasie (wyk 13 - 082 554 9731)

- Ab Yssel het die goeie nuus ontvang dat die kankergewas aan sy nier nie aggressief is nie en dat 'n operasie nie nou gedoen gaan word nie. Ons is dankbaar en vertrou dat die verdere behandeling beterskap sal bring (wyk 13 – 082 078 4608)
- Nicolene Lubbe het van 'n perd afgeval en haar voet gebreek, sy sterk tans huis aan. (wyk 25 - 082 877 2927)
- Michiel en Marian de Kock (16 – 082 950 4358) het 'n huis op hulle plaas verhuur - die huis het Woensdag tot op die grond afgebrand. Bid asb vir die huurders wat alles in die brand verloor het.

**Ons bid dat die Here spoedig beterskap en herstel sal gee.**

### **BAIE GELUK**

- Douw en Hantie Grobler het nog 'n kleinseun ryker geword op die 20ste Augustus.

### **ONS DINK OOK AAN DIE VOLGENDE LIDMATE WAT SUKKEL MET SIEKTE OF SWAK GESONDHEID**

Br Hennie vd Berg, Sr Sannie Reyneke, Sr Filina Coetsee, Sr Marianne Kruger, Sr Bettie Ras, Sr Janet vd Walt, Sr Nella Swanepoel. Mannetjie Viviers en Sr Henny Wijnberg.

### **ONDERSTEUNING VIR SIEKES**

**Vir ondersteuning of besoeke deur die hospitaalbesoeke-diensgroep, skakel vir:**

Anna Smith	082 765 9813
Marian de Kock	082 950 4358
Marique Reichel	082 657 4508
Annatjie Grobler	073 258 7833/ 018 290 9974

of e-pos [siekies@oosdoppers.co.za](mailto:siekies@oosdoppers.co.za)

### **AFKONDIGINGS**

**Die volgende aktiwiteite vind DV hierdie week plaas:**

#### **Vandag**

09:30 Gebedsgroep  
10:00 Oggenddiens  
Kleuterbediening  
Katkisasie  
Tee en koffie

**GEEN Diakonievergadering (skuif na 8 September)**

18:00 Aanddiens

#### **Maandag**

17:15 Katkisasie (Gr 9)  
19:00 Gebed en Ondersteuning

#### **Dinsdag**

06:00 Manne Ondersteuningsgroep  
18:30 Ouderlinge gebedsgroep

#### **Woensdag**

09:30 Bybelstudie  
16:30 Katkisasie (Gr 10)  
17:15 Katkisasie (Gr 8 en Gr 11)  
19:00 Bybelstudie  
19:00 Beginpunt

#### **Donderdag**

09:30 Carritas

### **FACEBOOK**

Ons herinner ons gemeente en jeug graag dat ons 'n "Facebook"blad het wat julle kan besoek. Gaan loer bietjie by <https://www.facebook.com/oosdoppers> en "like" ons bladsy.

## VERJAARSDAE

Baie geluk aan almal wat DV diè week verjaar!

### Maandag, 26 Augustus

Sr Estette Bredenkamp 082 865 4381

### Dinsdag, 27 Augustus

Sr Miems Kruger (74) 084 736 9024  
Br Barend Pretorius 083 293 3074  
Jbr Hendrico v Rooyen 073 909 9296  
Sr Meisie v Wyk 082 491 2922  
Sr Stephanie Bredenhann 082 257 1350

### Woensdag, 28 Augustus

Sr Annari Schutte 082 868 9739

### Donderdag, 29 Augustus

Ds Bert Floor (90) 083 388 1250

### Vrydag, 30 Augustus

Br Koos Schieke (79) 082 872 9124  
Sr Engela Kruger 082 490 8467  
Jsr Elma vd Schyff 083 456 2938  
Jbr Lourens Venter 083 965 7321

### Saterdag, 31 Augustus

Sr Maryna vd Walt 082 054 1020  
Sr Antoinette Coetzee 082 328 1739  
Sr Wilna Stavast 082 334 9192

## ANDER AFKONDIGINGS

- Liefdegawe vanoggend vir Barmhartigheid.
- Gawe by die deure vanoggend vir Bedieningshulp.
- Gawe volgende Sondag vir Teol Studentekas.
- Vrywillige bydrae vir voertuigsekuriteit in die bussies by deure, asb.
- Diensbeurte: Wyk 33 en 34.

## OUDERLINGE TER GOEDKEURING

Die name van die volgende broers word ter goedkeuring aan die gemeente voorgehou as ouerlinge:

Dup du Plessis, Barend Pretorius, Albert Schutte, Botha van der Schyff, Willie van der Walt, Bennie van Emmenis, Pierre Volschenk, Lou Venter, Frans Kruger en Pierre Viviers.

Mag die Heilige Gees ons broers lei in die oorweging van hierdie beroep!

## FOKUSTYD OP GEESTELIKE VERNUWING

Ons vertrou dat almal hierdie Fokustyd van verdieping in die Woord en gesprek met medegelowiges geniet.

## TERUGVOER PLAKKATE - SKRYF WAT JY BELEEF HET!

Elke Sondag verskyn daar in die voorportaal van die Skuur twee groot plakkate waarop lidmate hulle reaksie, gedagtes en bydraes oor die afgelope week se tema kan neerskryf. Skryf gerus! Ons wil graag hoor en leer! Daar is penne by elke plakkaat.

## TERUGVOER VANAF GROEPE

Hier is enkele van die terugvoer wat ons van die groepe ontvang het. Dit lyk asof almal wat ingeskakel het, die groepsgesprekke baie opbouend ervaar.

Frans du Preez laat weet:

Hallo almal

Ons groepie is ook aan die gang - rondom 14 persone wat gesinne met laerskool, hoërskool kinders en studente insluit, asook 'n enkel student. Ons almal was dit eens dat ons seker die moeilikste tydsgleuf gekies het - op 'n Vrydag aand is 'n ou gedaan na die week...maar ons

gemoed is gou opgetel. Dit was wonderlik om mekaar vinnig te leer ken oor 'n koppie koffie - en te besef ons "ken" mekaar eintlik reeds deur verskillende raakvlakte, en ons kon dadelik diepgang kry toe ons die Woord oopmaak. 'n Mens dink altyd ons moet die kinders apart of anders hanteer, maar hulle het so mooi ingeskakel en ons het hulle sekere gedeeltes laat voorlees.

Ons is veral getref deur die feit dat ons te "klein" van God dink; die vraag gevra of ons gesigte ook so "blink" soos Moses s'n as ons in Sy Heilige teenwoordigheid is (ook in erediens); en die beeld van die sluier het veral vir die kinders die Woord mooi oopgemaak. Die gebruik van verskillende vertalings het ook baie gehelp. Ons is ook getref deur studente se getuienis van watter moeilike keuses hulle moet maak.

Waar ons werklik "klein" geword het, is toe ek gevra het wie sal afsluit met gebed, en 'n 11-jarige seun aangebied het. Ek het later die aand half "verskonend" weer gevra wie sal afsluit, en die seun het bevestig hy sal...Lanklaas so 'n goeie samevattende gebed gehoor wat die bespreking en die Woord mooi saamgevat het - duidelik en opreg - Geesvervuld....Ons was stil voor God.

Pierre Volschenk aan die woord:  
Liewe Broers en susters,

Benewens 3 persone in ons groep, is die res (10) almal deel van die kleingroep OEPS. Oor tyd heen het ons dus welbekend met mekaar geraak en deur Sy genade oorvloedig die rykdom van ware gemeenskap van gelowiges ervaar – in beide lief en in leed! Ons 1e byeenkoms het baie goed afgeloop. Besprekings was lewendig, gefokus, verdiepend en verrykend. Di Piet en Karel verdien spesiale vermelding met die samestelling

van die boekie en die temas daarin vervat. Die inhoud en vrae is rigtinggewend vir ons aktiwiteite. Baie dankie daarvoor!

Dries Schutte skryf:

Ek en Aneleh is deel Van die Caritas kleingroep wat reeds vir 'n klompie jare elke 2de Donderdag onderleiding van Heleen Kruger byeenkom. Ons kleingroep bestaan uit 11 lidmate en ons is ook bevoorreg om ds. Hessel Dijkstra en sy vrou Annatjie in ons groep te hê. Verlede week se bybelstudie is baie positief beleef en as 'n wonderlike geleentheid om saam in ons geloof, ons verhouding met mekaar en met Christus deur die Woord en Gees te groei.

Uit ons ervaring van die kleingroep wil ek by julle wat nie voorheen by 'n groep ingeskakel was nie, aanbeveel om die geleentheid aan te gryp, om na afloop van die fokustyd in julle groepe as kleingroepe/bybelstudiegroepe voort te gaan. Die onderlinge liefde, ondersteuning, lofpryssing, gebede vir mekaar,- ons leraars en- gemeente en die saam groei in ons geloof is werklik besonder geloofsverreikend.

Seënwense en geniet die verdere geestelike vernuwing in die fokustyd.

Willem Pienaar skryf:

Dagsê brs, srs,

Almal van ons groep was teenwoordig, kinders inkluis, behalwe 'n suster wat verskoning gemaak het. Die werksboek is uitstekend en met die Bybel saam met die Bybel in Praktyk het die Gees ons gelei. Die openheid en vrymoedigheid tussen redelik onbekende lidmate met mekaar was 'n belewenis.

Goeie dag almal

Ons groepie is maar 'n klein begin maar hierdie week sluit nog twee gesinne aan. Ons sessie was werklik waardevol en ons

het gevoel asof ons geestelike batterye weer gelaai is. Die boekie is pragtig uiteengesit en laat goeie gesprek toe. Dankie daarvoor.

Groete  
Gerda Reitsma

**Indien jy nog by 'n groep wil inskakel,  
is dit nie te laat nie.** Hier is die name van die gasouers en tye waarop hulle vergader. Kontak gerus die mense hieronder.

Ds Piet - Woensdae 9:30

Ds Piet en Rieëtte - Woensdae 19:00

Ds Karel & Susan - Donderdae 18:30

Stefan & Marike Grobler - Woensdae 19:00

Roelf/Joke Botha & Bert/Gep Floor - Woensdae 15:00

Pierre & Em Volschenk - Dinsdae 19:00

Frans & Sarita du Preez - Vrydae 18:00

Willem & Christa Pienaar - Donderdae 18:30

Cobus & Karin Conradie - Woensdae 19:00

Werner & Annelie Pheiffer - Saterdae 16:00

Koot & Engela vd Walt - Woensdae 18:00

Heleen Kruger - Donderdae 9:30

Jan-Louis & Elzani Coetzer - Woensdae 19:30

Francois & Desiree Muller - Dinsdae 18:30

Gerda Reitsma - Woensdae 19:00

Erika Rood - Dinsdae / Donderdae 19:00

Vickus & Alet-Elize v Jaarsveld - Sondae 17:00

Banie en Ananda van der Walt - Donderdae 19:00

## OUDERLINGE KONFERENSIE

'n Ouderlinge konferensie word op 7 September 2013 by GK Warmbad aangebied. Daar is 'n lys in die voorportaal van die Skuur waar die ouerlinge asb hul name kan oopskryf indien hulle dit kan bywoon.

## DIAKONALE KONFERENSIE

Alle diakens, predikante en ouerlinge word na 'n Diakonale Konferensie genooi DV 7 September 2013 te Koster. Spreker: Prof Gert Breed. Kostes 100 p/persoon. Meer inligting op die kennisgewingbord.

## ONS AFRIKAANSE BYBEL IS OP 27 AUG 2013, 80 JAAR OUD

Die eerste Afrikaanse Bybel is op 27 Augustus 1933 bekend gestel en is dus vanjaar 80 jaar oud. Ons kan die Here nooit genoeg dankbaar wees dat ons sy Woord in ons eie taal kan lees en hoor nie. Hierdie eerste vertaling is in 1953 weer hersien en in 1983 hervertaal op die dinamies-ekwivalentre metode. Ons het dus nou die voorreg van 'n sg. "1933 Vertaling" wat grammatis-taalkundig vertaal is en 'n "1983 Vertaling" wat meer verklarend vertaal is. Daar word nou deur die Bybelgenootskap van SA in samewerking met die kerke gewerk aan 'n nuwe vertaling van die Bybel in Afrikaans wat in moderne Afrikaans nader aan die oorspronklike tale van die Bybel vertaal word.

**Kom ons dank en loof die Here ook vandag vir die Bybel in Afrikaans!**

## KENNISGEWINGBORD

- GKSA Riviertoer vir die jeug te Frankfort
- Kunsuitstalling oor die psalms van Dawid - Potch-Oos kerkgebou.
- Dopper-Dinee van Geref Kerk Cachet - 17 Okt
- Boland Seekamp 5-9 Desember

## ALMANAK 2014

Daar is 'n bestellys in die Skuur, skryf asb u naam daarop indien u 'n Almanak vir 2014 wil bestel. Bestellings sluit 25 Oktober 2013.



### WAT GEBEUR BY DIE KERSMARK?

Die Kersmark is net 3 maande ver en die komitee is nou hard besig om te beplan en te werk om hierdie jaar se kersmark 'n sukses te maak. Ons het wel elkeen van julle se hulp nodig in hierdie verband. Eerstens wil ons vra dat indien daar van julle is wat in naby geleë dorpe werk, of selfs gereeld daarna gaan of mense ken wat daar uitkom, julle name vir Adele kan gee sodat julle ons kan help met bemarking daar. Dan wil ons die jaar wafels en roomys op die restaurant se spyskaart voeg, maar ons benodig gewillige hande wat vooraf die wafels vir ons sal bak en vries. As jy bereid is om hiermee te help, kontak gerus vir tannie Ina Jordaan.

### KOMBERSE PROJEK 2013

Ons vra weer vir komberse, oud of nuut, klein of groot. Al is die winter nog nie so koud nie, is daar tog nood. Die jeug gaan weer komberse uitdeel. Skenkings so gou moontlik by die kerkkantoor asb.

### DIAKONIE KOSKAS

Liewe gemeente, ons herinner u om asb bydraes te maak tot die diakonie se koskas. Daar is 'n gereelde behoefté aan nie-bederfbare voedsel in ons gemeente. U skenkings word baie waardeer.

## MET 'N DANKBARE HART

Die kerk vra so baie keer dat ons evangelisasiewerk moet doen en baie keer kies hulle plekke ver van ons huise af maar ek wil vanoggend vertel dat die geleentheid partykeer reg onder jou neus opduik.

Ons kantorengel, so deur ons gedoop omdat sy so 'n wonderlike geaardheid het en so dankbaar is vir dit wat sy het, het probleme by die huis met haar man wat drink. Ek het vir haar die eerste teks wat ons in die omkeerstrategieboek gekry het om te lees in 'n Engelse Bybel wat ons in die kantoor het, verkeerdelik as 1 Tim 3:1 - 7 gegee en dit was so op hom van toepassing vir haar dat sy net die Bybel vir haar man gegee het om die spesifieke gedeelte te lees. Sy het vanoggend met blink oë kom vertel dat haar man hierdie naweek nijs gedrink het nie en vandat hy die gedeelte gelees het haar so mooi in die huis begin help het. Sy het my vanoggend kom bedank en ons het mekaar omhels en die Here saam geprys.

### Prof Letšosa is aangewese Vise-Rektor van die NWU

Die Noordwes-Universiteit (NWU) se Vise-Rektor (Onderrig-leer) by die Potchefstroomkampus, prof. Mariëtte Lowes, tree einde 2014 af. Daarom het dit nodig geword dat die NWU 'n nuwe Vise-Rektor aanwys, en die pos is geadverteer. Dit is 'n belangrike sleutelpos, nie net vir die NWU nie maar ook vir die Teologiese Skool, juis vanweë die besondere verhouding tussen die Universiteit en die GKSA. Daarom was dit noodsaaklik dat 'n bekwame persoon vir die pos gevind word. Gevolglik is prof RS Letšosa, tans professor in Praktiese Teologie, Direkteur van die Skool vir Predikantsopleiding en Vise-Rektor (akademiese sake) van die TSP, genader om homself vir die aanstelling by die NWU beskikbaar te stel.

Vir prof. Letšosa is sy roeping as Woordbedienaar egter van soveel belang dat hy nie die aanstelling sou oorweeg as hy nie, al is dit net in beperkte mate, daarmee saam steeds sy huidige taak en roeping as bedienaar van die Woord (besonderlik theologiese professor) kan uitvoer nie.

Op navraag van die Kuratore het die NWU laat blyk dat prof Letšosa steeds as theologiese professor by navorsing in die Teologie betrokke sal kan bly, en dat dit trouens ook so deur die NWU aangemoedig word. Daarom het die Dagbestuur van die Kuratore uiteindelik op 19 Augustus dit goedgekeur dat prof Letšosa die aanstelling as Vise-Rektor van die NWU kan aanvaar sonder om sy diens as theologiese professor by die TSP prys te gee. Hy sal van sy gewone doseerverpligte losgemaak word, maar steeds betrokke bly by navorsing in die Teologie. As motivering vir hierdie besluit het die volgende kerkregtelike advies gedien: Volgens artikel 18 KO is die primêre taak van 'n theologiese professor om die Skrif uit te lê en die waarheid te verdedig in belang van al die kerke. Die kernopdrag hou dus verband met navorsing (Du Plooy). Daarom kan prof Letšosa in terme van art 18 KO as professor aan die TSP verbonde bly. Hy gaan immers steeds 'n deel van sy tyd aan die kernopdrag volgens art 18 KO bestee.

Benewens sy voorgesette betrokkenheid by theologiese navorsing, sal prof. Letšosa voortgaan om die Woord en sakramente op versoek in gemeentes te bedien, onder ander by die Gereformeerde Kerk Cachet, waar hy reeds verskeie jare betrokke is.

Benewens al die gelukwense en woorde van sterkte wat aan prof. Rantao uitgespreek word, het hy ook die kerke se voorbidding nodig vir die uitvoering van

die opdrag. Van hierdie voorbidding kan hy verseker wees.

Die aanstelling van prof. Letšosa beteken dat daar 'n nuwe professor vir Praktiese Teologie beroep sal word. Daar is reeds 'n Beroepingsvergadering vir Novembermaand geskeduleer om die reeds bestaande vakature vir die leerstoel in Missiologie te vul. By daardie geleentheid sal daar dan D.V. ook vir die leerstoel in Praktiese Teologie 'n beroep uitgebring word.

## **BEROEPE NUUS**

### **BEROEPE ONTVANG**

Dr JA Erasmus van Odendaalsrus na NEWCASTLE.

### **BEROEPE BEDANK**

Ds AB van der Walt van Lichtenburg na Koster.

# SUSTERS



## TEESKINKGELEENTHEID

Tee word vandag bedien onder die leiding van Sr Helena vd Westhuizen van wyk 4, Sr Alet-Elize v Jaarsveld van wyk 6 en Sr Elsie Buijs van wyk 29 en al die susters van hierdie drie wyke. Baie dankie vir elke suster wat kom help met die skink en opwas! Teeskink is seker nie altyd die lekkerste werk nie, maar dit is nederige liefdesdiens wat elke suster kan verrig om ons gemeente 'n warm hart te gee. Daarom doen ons dit nie vir mense nie, maar vir die Here.

## BLIKKIES-WARMHARTE

Onthou van jou "warmharte"-blikkies - bring vir ons koeldrankblikkies vol van lastige kleingeld en plaas die blikkie in die voorportaal van die kerk. Die geld word gebruik om blomme of iets toepaslik aan te koop vir persone wat deur beproewing gaan.

## TOKTOKKIE (fondsinsameling vir Cansa)

Baie dankie aan die wyksusters wat reeds hulle koeverte ingehandig het. Ons vra vriendelik dat die bydraes so gou as moontlik ingesamel word en die koeverte dan by Marianne Fourie of die kerkkantoor ingehandig word.

## KWARTAALPROGRAM

DATUM	DAG	TYD	WIE	WAT
08-Sep	Sondag	19:00	Blok C	Ouderlingverg-verversings
14-Sep	Saterdag	17:00	Blok D	Nagmaalete

## BAIE DANKIE AAN ONS BORG VAN DIE WEEK!

 <b>MOOI RIVIER</b> APTEEK PHARMACY Elke dag oop tot 20:30	<b>Kerkstraat 199</b> <b>Potchefstroom</b> <b>Tel: 297 7247</b>	<b>ESTÉE LAUDER</b>  <b>PAYOT</b> PARIS  <b>Kanebo</b>  	<b>ORLANE</b> PARIS  <b>CLARINS</b> PARIS  <b>REVLON</b>  <b>GREEN + CROSS</b>
--	---	--	--